

მეუფე იაკობი - შევარდნაძის დროს „მხედრიონი“ და პოლიცია კურირებდნენ ხე-ტყეს, სააკაშვილის დროს კი, ბატონი მერაბიშვილი



თუ შეიძლება, რომ ვიღაცას, უცხოეთიდან ჩამოსულს მიყილო ტყე, შაჰაბაზის შვილთაშვილებს მიყილო, რატომ არ შეიძლება, ეკლესიას ჰქონდეს, როცა დასჭირდება, მზად ვართ ხოლმე სახელმწიფოსა და ხალხს დაუბრუნოთ, – ამის შესახებ ბოდბელმა ეპისკოპოსმა, მეუფე იაკობმა განაცხადა, რომლითაც უპასუხა „ტყის“ კოდექსთან დაკავშირებულ კითხვას, ეკლესიისთვის ტყის გადაცემის საკითხზე.

მეუფე იაკობის შეფასებით, ტყეებთან დაკავშირებით პროტესტის გრძნობა მათ მიმართ არავის ჰქონია, ვისაც ეს ეკუთნოდა.

იაკობის თქმით, შევარდნაძის დროს „მხედრიონი“ და პოლიცია კურირებდნენ ხე-ტყეს, სააკაშვილის დროს კი, მერაბიშვილი.

„მერაბიშვილი რომ შინაგან საქმეთა მინისტრი იყო, მესხეთ-ჯავახეთში ტყე დატოვა? აბა, ჩადით ბორჯომში, მანახეთ, თუ არის დარჩენილი იქ პირველადი ტყეები. დაბადებული არ ვარ იქ, თორემ ვიზრდებოდი. ფიჭვი და ნაძვი აღარ დატოვეს. მარტო რუსებმა გააფუჭეს რომ დანვეს? უარესი აოხრება მაგან გააკეთა პირადად, ეგ ლობივრებდა მაგას.

როდესაც ჩინელებს 49 წლის ვადით გადასცეს, პროტესტის გრძნობა გქონდათ ვინმეს? ვინმეს ქონდა პროტესტის გრძნობა ჩინელებმა რომ გაგვიჩეხეს ტყეები? რა ნახა, რა მოიგო საქართველომ, ვიღაცა ჩინოვნიკების ჯიბეში წავიდა. ძველად, შევარდნაძის დროს მხედრიონი და პოლიცია კურივრებდა ამ ხე-ტყეს, სააკაშვილის დროს – ბატონი მერაბიშვილი. პასუხი ვიზეც გაქვთ მოსათხოვი, იმათ მოთხოვეთ, ეკლესიამ ვის რა მისცა, ვის რა მიჰყიდა თავისით?

ტყის მართვის კანონი მიიღეს, ზოგადად ტყის კანონი, სადაც ეკლესიაზე გადაცემის შესახებ მუხლია. თუ შეიძლება, რომ ვიღაც უცხოეთიდან ჩამოსულს ტყე მიყიდო, შაჰაბაზის შვილთაშვილებს რომ მიყიდო, რატომ არ შეიძლება ეკლესიას ქონდეს და როცა დასჭირდება, მზად ვართ ხოლმე სახელმწიფოს და ხალხს დავუბრუნოთ“,- განაცხადა მეუფე იაკობმა.

1tv.ge